

Edizione diplomatico-interpretativa

G Aucelms faiditz si fo dun borc
que a nom userta q(ue) es eleues
cat delemozin. efo fills dun borzes
echantaua pieitz domen delmon.
e fetz mout bons sos ebons motz. e
fetz se ioglars p(er) ochaion q(ue) el p(er)det
a ioc tot son auer. hom fo q(ue) ac molt
gran larguesa. efo mout glotz
de maniar e de beure. e p(er) so el uenc
gros outra mesura. Mout fo lonc
temps desastrucs de dons e donor
aprendre q(ue) plus de .xx. anz anet
a pe p(er) lomon qez el ni sas chansos
non eron uolgudas ni grazidas.
epres p(er)moiller una soudadieira
qel menet ab se lonc temps per
cortz que auia nom Guillelma
monia. fort fo bella (et) ben enseig
nada. euenc si grossa cum era el.
ella fo dun borc qui a nom elest
ques delamarcha deproenssa ques
dela seignoria den bernart dandu
sa. emessier lo marques bonifacis
demonferrat lomes en auer (et) en
raubas (et) en arnes (et) en gran p(re)tz
lui esas chanssons.

Gaucelms Faiditz si fo d'un borc que a nom Userta
que es el evescat de Lemozin; e fo fills d'un
borzes. E chantava pieitz d'omen del mon, e fetz
mout bons sos e bons motz. E fetz se ioglars per
ochaion que el perdet a ioc tot son aver. Hom fo
que ac molt gran larguesa, e fo mout glotz de
maniar e de beure; e per so el venc gros outra
mesura. Mout fo lonc temps desastrucs de dons e
d'honor a prendre, que plus de .XX. anz anet a pe
per le mon, qez el ni sas chansos non eron
volgudas ni grazidas. E pres per moiller una
soudadieira, q?el menet ab se lonc temps per
cortz, que avia nom Guillelma Monia. Fort fo
bella et ben enseignada, e venc si grossa cum era
el. Ella fo d'un borc qui a nom Elest, q'es de la
Marca de Proenssa, q?es de la seignoria d'En
Bernart d'Andusa. E messier lo marques Bonifacis
de Monferrat lo mes en aver, et en raubas, et en
arnes; et en gran pretz lui e sas chanssons.

- letto 416 volte